

Estd 1986

AGAPE

Vol. XXVI No. 241

JULY 2012



National Council of Churches in India
THEME: THE GOSPEL IN A GROANING WORLD
25th-28th April 2012
St John's Medical College Auditorium, Bangalore



NCCI PRE- ASSEMBLY leh XXVII QUADRENIAL ASSEMBLY 2012 REPORT

pliek 25-ua

Lak man : **Kum khatah** ₹ 50.00
Copy khat ₹ 4.50

EDITORIAL BOARD

Editor : *Lalrinkimi*
Joint Editors : *C. Lalneihkimi*
Laldawnkimi
Circulation Manager : *H. Lalpianthangi*
Member-te : *1. Biakengi*
2. C. Lalneihthangi
3. Dr. Vanlalhruaii
4. Vanlalsawmi
5. Rev. K. Lalpiangthara
Publisher : *Rev. Lalzuithanga*
Agape Phone No. : **0389-2326372**
9436365949
9436199678

A chhunga thuawm te:

- | | |
|--|----|
| 1. Editorial | 3 |
| 2. KRISTIAN CHHUNGKUA:
<i>Kristian chhungkaw pawimawhna</i> | 4 |
| 3. SERMON : Rei deuh mahse nghak rawh | 10 |
| 4. Hospital Sunday thuchah | 16 |
| 5. HRISELNA HUANG : Rilru nge taksa? | 20 |
| 6. SUNNA: Pi K.Laltluangi kan chan ta. | 23 |
| 7. Agape Silver Jubilee Camping Report | 26 |
| 8. NCCI Pre Assembly leh XXVII Quadrenial Assembly | 29 |
| 9. HRUAITUTE CHANCHIN: Pi Lalrindiki | 31 |
| 10. Hriat atan | 32 |

Editorial

Kohhranhote Penticost Ni-a Thlarau Thianghlim lo thleng chuan min chenchilh tlat avangin kan hmalakna kawng tinrengah a hruaina duhawm tak kan hmu zel a. Lal Isua rawngbawl na chhonzawma tihdam rawngbawl hna kan thawh pawh Lalpan mal a sawm zel a, a va lawmawm em ! Lal Isua Khawvela a lo kal lai khan Diabola tihduhdahte tidamin khaw lian leh khaw te te a fang zel a, ramhuai man te a tidam a, pharte a tithianghlim a, nat tinrenga nate a tidam thin a. Chatuan ropuina a hnena kan chanve theih nan Ama taksa ngei hlana Kross-a kan tana a inpekna leh thihna hneha ropui taka a thawhlehna avanga Kohhran ho lo ding ta te, Khawvela a ram din theihna tura Kohhranho a thumna te hi a va ropui em !

Keini Zofate ngei pawh tuipui ral ram hla tak atanga chanchin thate hrilha awmin, khawvel hi kan Lalpa leh a Krista ram a nih theih nan kawng tinrengin hma kan la a, chumi zinga pawimawh tak pakhat taksa leh thlarau lam tihdamna tura **Presbyterian Hospital** kan neih pawh miten dam nan leh Lalpa hmuh nan an hmang zel a. Nat tinreng tuar Lal Isuan a lainat a, a tidam thin ang khan kan Hospitalah hian khawsik, pumna, kawchhung tha lo, mitliam, Vung, Drugs edict, HIV/AIDS etc. tinreng te enkawl an ni a. mi tam takin damna changa an chhuak leh thin te hi Lalpa malsawmna leh awmpuina a ni tih i hria ang u. Thenkhat taksa lama dam chhuak zo lote pawh an awm

ngei mai, mahse rilru leh thlarau lam tala damna an channa tura rawngbawl na kan Chaplain te, Doctor te, Nurse teleh thawktu dang zawng zawng te kal tlangin thawh a ni reng bawk. Kan hriat angin July Ni 1, 2012 (Pathian ni) hi Health Suda/Hospital Sunday atan Synod-in a ruat a, chuvangin Lal Isua dungthula tihdam rawngbawlhna kan thawh mekna Hospital hi hrereng ila, rim taka thawktu Doctor, Nurse, Chaplain, leh thawktu dang zawng zawng te tan leh Pathian ram zauna hmanrua a nih zel theih nan tawngtaipui zel ila, **“Lal Isuan ka dam lohvin mi kan a”** “a tih kha hrerengin thilpek leh tanpuina dangte pawh i hlan zel ang u.

KRISTIAN CHHUNGKUA :

**Kristian chhungkaw pawimawhna - C.Lalneihkimi
Ex Chairman**

Kristian chhungkua chu enge ni?

Rev.Vanlalzuata chuan *“Kristian chhungkua chu Kristian dana inneihnain chhungkua a siam a, Sakhaw dang Pathian be lova, Lal Isua chauh chhandamtua pawmtu chhungkua te,”* tiin a sawi a, Paulan Tangvengtu hnenah Lalpa Isua ring la, tichuan chhandamin i awm ang, nang leh i chhungte nen tih ang kha a ni. Heta sawifiahna atang hian Kristian chhungkua chu Lal Isua chauh chhandamtua pawm a, Kohhrana tel a, Babtisma ngai pawimawh a, chhungkaw hlim tak ni thin a, tu leh fa te Pathian thua kai tlei thin ni awm tak a ni.

Amaherawh chu Kristian chhungkua inti theuh si zingah Kristian chhungkaw nun dan tur anga nung thei lo kan awm fo thin. Kristian ram kan ni a, chhungkua te hi Kristian chhungkua chu kan ni mai a lawm, a tih theih awm e. Mahse kan ramah hian Kristian chhungkuaa thlenga mawi lo thil tam tak: Rukruk, tualthah, mahni intihhlum kan hre fo va, ruang chhar, kum tling lo pawng sual tih te chanchin buah kan hre zing hle Dt 5/4/ 2012 Mizoram Police record- a landanin 2008-2012 march thleng hian Mizoramah pawngsual 353 a thleng a, Hmeichhia kum 12 hnuai lam

khuaikhem 37 a thleng. Kum 2011 chhungin Aizawl District bika pawngsual thleng zat chu 42 a ni a, an zir chiannaah heng zinga 35 chu pawngsual leh pawngsualtute inhmel hriatsa an ni. January- March 2012 chhung hian pawng sual vawi 24 a thleng hman tawh

Tualthahna pawh a tam hle a, Vanglaini Dt. 4/4/2012- in a tarlan danin kum 2008-2012 chhungin ruang chhar 62 a awm a, chung zinga 23 chu hmeichhia an ni. Thalai te zingah sualna chi hrang hrang a pung nasa hle bawk. Excise and Narcotic Department chhinchhiah danin Kum 1984-2011 thlengin ruihhlo vanga thi

1196 an awm a, proxivon vanga thi 1088 an ni. Mipa 1075, Hmeichhia 121 a rapthlak hle mai. Thalai duhawm tak tak kan va chan hnem em! Sualna chi hrang hrang, Zu leh Drugs etc. avangin chhungkua kan rum a, Kristian chhungkaw awmdan tur ang ni hauh lovin mi tam tak chu kan hlim lo a ni.

Kan ram hi Zosapten min awp chhungin sualna chi hrang tunlaia kan hriat angte a la awm lo baw k a, chhungkaw chungchang inzirtirna a tam vak lo a ni mai thei. Zosapten min hawsan hnuah Kristian chhungkaw din tulzia kan lo hre chho zel a, inkhawmpui thupuih leh thuzirah te hmang chhovin 1970 atangin Kristian chhungkaw dinhmun tehna Rampumah siam a ni a Kum 1977 atangin Hapta khat chhung Beihruah thupuih dah thin a ni a, Kum 1995,1996 kha Central KTPchuan Kristian chhungkaw kumah a puang a, October ni 1, 1995 kha Synod Executive Committee leh Central Kohhran Hmeichhe Committee chuan Kristian

chhungkaw niah hemi kum atan chauh an puang a, Kum 1997-ah Family Guidance & Councelling Centre Synod-in a din a. Kum 2001 Synod chuan kumtina hman turin September chawlhni hnukung ber hi Kristian chhungkaw Ni atan a puang ta baw k a ni. Kum 2004-ah Puitling Sunday School zir laiah hman a ni a, kum 2012 hian Kristian chhungkua chu Nilai zan thupuih hman a ni baw k.

Hetianga Kohhranin nasa taka tan a la chung hian sualna hi a pung zel baw k a, chuvangin Kristian chhungkaw tha din tulna hi a zual telh telh a ni. Sorkarin Hmeichhe rabbitleu te awm na a siam Protective Home-a awm te, naupang thil tisial dahna Home-a awmte hi a tam ber chu chhungkaw kehchhia atanga lo kalte an ni tih a enkawltuten an sawi. Tunlaia chanchin ngaihnawm loh tak tak kan hriatte pawh hi Kristian chhungkaw inenkawl na hnuai a seilian te chu an tlem viau mai thei. Chuvangin Kristian chhungkaw dik tak din hi a

pawimawh em em a, a pawimawh zia i han chhui dawn teh ang.

1. **Chhungkaw din hi Pathianin a ngai pawimawh:**

Atir atangin Pathianin chhungkuua a din a, Adama kawppui tur Evi a siam a, Abraham a chu chi thlaha leilung luah khat tutrin mal a sawm a. Pathian thuthlung zawma a kalchhuah dawn khan a chhungkua a hruai a, Lota Sodom khua chhuahsan tura tih a nih khan a chhungte an tel. Chhungkua hi Pathian din a ni a, a ramtizou turin chhungkuua thawk turin min duh a, chhungkua a lungual loh chuan rawngbawl chak a har em em a ni.

2. Chhungkuaah nunhona tha kan zir: Khawvel mihring nunhona bul ber chu chhungkua a ni. Chhungkuaah Nu leh pa an awm a, Nupa inthurual chuan chhungkaw awm dan tur fel takin an rem a, mumal takin chhungkua an awm thin. A tul angin fate an thunun a, thil tha an zirtir a, chuta tang chuan midang te nen

a nunho dan an zir thin Kristian chhungkua chuan Pathian duhzawngin fanau te an enkawl a, chu chuan Kohhran Leh Khawtlang nun a khawih thleng a ni. chhungkaw tha lo atangin mi tha an chhuah bei sei a har thin.

3. Chhungkua hi Kohhran Hmasa ber a ni: Chhungkua hi Kohhran hmasa ber a ni tiin an sawi thin a, Kohhran chu Pathian mite pungkawm tihna a ni awm e. chhungkuaah chuan mi engemaw zat mumal taka awmho a ni a, chu chu Kohhran hmasa ber anga sawi a ni. Chhungkua hi thuthlunglui hun atangin Pathian thu inzirtirna hmun a lo ni tawh thin (Deut. 6:7) ngun taka inzirtir tura hrilh an ni bawk. Chuvangin chhungkua hi Pathian thu kan inzirtirna hmun hmasa a ni a, Kohhran hmasa tih hi a inhme hle a ni.

Tunlai hian fate Pathian thua kaihhrainaah kan tang tawk lo a ni mai thei. Deut. 6:7-ah chuan Ina in thut lai te, kawnga in kal lai **te**, in mut dawn te, in thawh hun tein in sawi thin tur a ni, a ti a.

Kohhrante kan than zelnaah chhungkuaa Pathian thu inzirtirna hi uar lutuk aawm thei lovang, chhungkaw tam tak chuan Sunday School-a an zir bak hi zirtirna an dawng lo a ni mai thei.

4. Chhungkua chu School hmasa ber a ni: Chhungkua School hmasa ber anga sawi hi a dik hle mai. Nausen chu a lo pian atangin zirtir ngai nghal a ni a, Mithiam thenkhat chuan an pian hma thla 9 atanga zirtir leh enkawl ngai niin an sawi. Naute chuan hnute hnek a zir a, a nu hmel a thlir reng a, Nute hnen atangin engkim an zir thin. An lo lian deuh va, chhungkaw member dang te hnen atangin thil tam tak an zir zel a, an tualchai theih hma hun hi naupangin thil an zir nasat lai ber niin an sawi. Psychologist te chuan kum 5 hnuai lamah hian an mizia tur lungphum a inphum fel a ni an ti, chu chu an chhehvel (chhungkua) atanga an zir a ni. An lo sei lian zel a, engkim mai hi chhungkua atanga an zir a ni mai. Pathian thu te, awmdan mawi te, midangte nena nun ho te,

hmangaihna te chhungkuaah an zir vek a ni. An school hmasa a ni tih hi a dik hle a ni. Chhungkuaah naupangin thil an zir tam em avangin chhungkua kan inkaihhraina hi a pawimawh ta em em a ni. chhungkaw zia hi naupangin an nun chhuahpui a, Pa chhun emaw, Nu chhun emaw tia koh mai pawh an awl, Nu leh Pa zia hi naupangten an la nasa em em a, Zaidam leh nunnem kawngah te, sakhaw nunah te, hmangaihna leh induhsak kawngah te, inngaihsaknahte Nu leh pa zia chu naupangah hian a bet ve nghal thin.

Naupang an lo sei lian a, thenrual an kawm tan a, an thian te atangin thil tha lo an zir thei bawk. Hetiang hunah pawh chhungkuaa inenkawl na felah chuan naupangten inven nachang an hre ve thin.

5. Chhungkua chu Damdawi In hnai ber a ni: Mitin mai hian mahni in chu chhe hle mahse nuam kan ti vek mai a, hah taka hna kan thawh pawhin mahni ina chawlh hahdam kan duh ber thin. Dam lohna leh

nawm lohna kan neih phei chuan mahni in theuh hi kan taksa leh thinlung hahchawlhna hmun a ni a, chhungkaw hlim tak kan nih phei chuan mahni in hi natnate damna hmun a ni. Rilru hah taka mahni Ina kan haw pawhin kan nu leh pa leh unau te chu min thawi damtu an ni thin. natna kan neih pawhin kan nu leh pate hnenah kan thlen a, min lo thlamuan a, kan dam sawng sawng thin.

Amaherawh chu a nih tur ang ni pha lo chhungkua hi Zoramah hian kan tam viau mai awm mang e, chhungkuaah Nu leh pa tam tak an fate avangin an hlim lova, naupangte pawh nu leh pa tha lo, ruih thei thil tih avang leh inrem lohnate avangin an hlim lo baw.

Heng kan sawi takte atang hian Kristian chhungkaw pawimawhzia a hriat theih viau tawh awm e, Chhungkua chu Sorkar te ber, Missionary Field hnai ber ti pawhin sawi a ni baw. Kristian chhungkaw pawimawhna hi kawng dang dang pawhina la sawi theih awm e. Tichuan Engtingge Kristian chhungkua kan din ang

tih chu ngaihtuah tur pawimawh tak a ni a, hetiangan lo sawi ila:

1. **Kristian chhungkua chu Kristian dan thianghlima inneihnaa bul tan a ni tur a ni:** Hetianga inneihna atanga fanau lo piang te chu Pathian ringmi an ni dawn a, Pathian thuin an inkaihruai ngei turah beisei ila, Tirhkoh Paulan tang vengtu hnenah *Lalpa Isua ring la, tichuan chhandamin i awm ang, nang leh i chhungtengen* a ti a ni. Kohhran dan pawh ngaihtuah lova infawm vel mai mai te zingah inthenna a tam zawk ngeia rinawm chhungkaw kehchhiain a thlen chu thil tha lo tam tak a ni.

2. **Kristian chhungkua chu Kristian nun dan tur ang a nung chhungkua a ni tur a ni:** Kristian nun dan tur ang inkaihhrainaah chuan Pathian pawlna leh Pathian biakna te, a Kohhrana tel tlat te, Pathian atanga malsawmna an dawn ang zela pek ve duhna te a awm ngei tur a ni a, fanau lo piang zelte hnenah Pathian duhdan inzirtirna chu ngai pawimawh a, Chhungkaw to

bul leh din chhan chu Pathian a ni tih tuh ngheh a ngai a, Chhungkuaa hotu chu Pa a ni angin chhungkaw bulpui ber chu Pathiana ni tih naupangte kawhhmuh fo tur a ni. Chutih lain nu leh paten Pathian aia dah lal kan neih chuan a fel lo, Pathian duhdan hi No I a ni fo tur a ni.

3. Chhungkuaa Pathian Biak a pawimawh: Kristian chhungkuaah chuan Pathian biak leh pawl te, Pathian thua fate kaihruai a tul thu te kan sawi tawh a, a tulzia hi hre reng chung hian mitin hi kan tul tlan em avangin, fate nena inkawmna hun thawl neihte harsa kan ti em em mai. chuangin nitin vawi khat tal chhungkuaa Pathian biakho kan tum tlat a tul a, chhungkaw kim hun nghak kher lovin ni tin vawi khat tal chung inkhawm kan neih a ngai a, chuti lo chu kan fate nun hi khawvelin a luah khat mai dawn a ni, chuangin Kohran Hmeichhiate hmaklak mekna chung inkhawmah hian nasa leh zualin tan i la ang u.

PATHIAN THU ZIR DUH TAN

Presbyterian Bible School, Mission Veng, Aizawl-ah Sesson 26-na atan **Certificate in Theology** (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs 10/- a lei theih a ni e
 Dil hun chung : September 3, 2012 (Thawhtanni) tlai dar 3.00 thleng
 Dil thei chin : Class VII passed, Kum 16 chin, Kohran dan chhunga awm
 Interview hun : September ni 5, 2012 (Nilaini) zing Dar 10.00
 Class tan hun : September 7, 2012 (Zirtawp ni)
(Zir hun chung : September - December, 2012)
 Stipend : Zirlai pakhat hnenah thlatin Rs 500.00 pek a ni ang, Hostel a awm lo

Hrechiang duh tan Phone No.8575308007/2350082-ah zawh theih a ni e.

Sd/- Rev.R.Lalengmawia
 Principal

SERMON : REI DEUH MAHSE NGHAK RAWH

(Habakuka 2:3, Sam 37:7, 25:3)

Lalzawmliani, Ramhlun Venglai

Nghaktu nunah hian mihring mizia hriat a awl hle a, Entirnan: Bus chuang tura nghak tute, a nghah thuhmun theuh theuh a lo thlen hmaa phi ruai chi te, a lo thlena chuang ve hman lo te, ngawi renga nghak miah miah te an awm thin. Hetiang hian thildang pawh nghaktu nunah hian kan mizia chu a hriat theih hle a ni. Keini hi eng dinhmuna ding nge kan nih ve. Bible chuan **“Rei deuh mahse nghak rawh a lo thlen ngei dawn avangin a tlai chuang lovang,”** tih min hrih a. He thu hi keini Kristian chhungkaw nghet din tura hma la mektute infuih thar nan pawimawhin ka hria a, i ngaihtuah tlang teh ang u.

Nu leh pa thenkhat chuan thahnem ngai takin tu leh fate tan tan kan la a, chawnghei te, tlaivar tea tawngtaiin, thu tha tinreng hrihlin kan hmanhleh a, beisei ang an nih mai loh avanga hauh leh zilhin kan thunun a, ‘Kan inhrilhna lamah mi fate an fing zo dawn’ tih khawpin kan nei a, a hlawhtlinna kan hmuh loh avangin kan beidawng a, Bus-a chuang tur te bus thlen hmaa an phi ruai ang maiin mi tihdan te kan zawt a, kan ti ve a, eng a ni chuang si lo. Hremhmun aikaih a ni ang, tihngaihna ka

hre lo, ka sun zo tawh te kan ti, tawng loh lohvin kan tawng a, chungte chuan min vaw let leh a, a tuartu chu keimahni bawk kan ni leh a. Chuvangin Lalpaa nghehdan kan hriat a, a thu min rawn te kan awih a hun ta hle mai a, chawl chungsa sawt zawka thawh theihna thuruk kan mamawh a ni.

1. Lalpa nghah dan

Lalpa nghah dan chu a tawi zawnga sawi chuan, Amah rin, a thuawih, a ni mai. Eg. Rei deuh mahse nghak rawh a ti ringawt lova, ‘a lo thlen ngei dawn avangin’

a ti a. Thleng maithei, thleng lo maithei, nghak i ni lova, lo thleng ngei tur chu lo nghak rawh, a tih thu chu awih tura chu a ni a. Lazara farnu Marthii hnenah pawh, ***'I rin chuan Pathian ropuizia i hmuh ang'*** a tih kha (John 11:40). Ani pawhin a awih a, a nuta thi tawh a kaihthawhsak mai a nih kha.

Khawvel hun hnuhnungah kan cheng a, sualnate lah chu a pung tual tual a, nu leh pa thu awih lo, thu hnu dawn lo, tha duh hauh lote, thilsual thar tichhuaktute thlengin Pathian thu chu a thleng dik zel a, khawvel hmasawnnain min thlawh khum a, an sual dan takngial pawh kan hre thiam tawh lo. TV te, computer, internet, mobile etc an hman dan te kan ngaih tha lova, kan rin hauh a, a lo fuh lo, an lo haw ve si. 'I hmangaih kulh chhungah buaina ral a lian e,' tih hla ang mai kan ni. Nu pakhat phei chuan, "Ka bei ka bei peih tawh lo, thahnem ka ngaih poh leh ka chhungte an sual tulh tulh, ka sual viau hian an nem zawkin ka hria," a ti. Engvangnge? Kan nghak thiam lo a ni. Keimahnin

chhanchhuah kan tum a, Lalpa chetna kan dal a ni.

Lal Isuan, 'Amah chu ka hnenah rawn hrui rawh u' a ti a (Mk 9:19). Kanaan Nu ang khan Isua chauh chhandamtu a nih chiang ve ila chuan a zia tur. Ani chuan a fanu ramhuai man chhanchhuak turin Isua chauhvin a ti thei tih a hria a, a nghak tlat mai a ni. A fanu chhanchhuah dila Isua a biakna te kha ngaihtuah teh, dengkhawng deuh deuhin Isuan a chhhang, mahse a nghak tlat, ui ang nih pawh a tlawmngai thei lo, a fanuin chhanchhuahna a chan dawn phawt chuan, chuti taka nghak peih chu a chhanchhuahsak ta a nih kha (Mt 15:21-28).

Lalpa ngah a ngaihna chhan chu kan duh hunah ni lovin ama duh hunah a ropuizia tilang turin a ni a chet thin. Chumi hun chu Aman a hria, keini duh hunah nise kan ropui khalh mai ang. Kan chhiahlawh a ni lova, Lal leh Pathian a ni, a duh duh a ti thin a ni. Kan nuna ropuina a chan hun chu Lalpa chet hun a ni. Keimahnin

lama kan tih ve zawng zawng chhuang lova Amah chauh kan nghah a ngai a ni. Heng thute hi keima nuna a lo thlen dan chuan ka fate sual phura ka phak tawk tawk a tan ka lak ve laia Lalpa min pawlna a ni a, kei chu mi hmanhmawh ka ni a, ka nghakhlel thin, ka fapa upa ber hi a tleirawl lai atanga zu in a ni a, kum 40 a nih hnuah pawh chhanchhuahna a la chang kim si lo, chhandamna a chan theih nana tih thin dan zawng zawng te chu awmze nei lo ang 'Lalpa I tlai ang e, ka fapa hi a thin te, a pumpui, a ril, a kal te hi en teh,' ti a ka tawngtai laia Lalpa min chhanna chu, 'Nova chuan kum 100 asin lawng a tuk' tih hi a ni a. Kum 40 kha rei hle a ka hriat laiin, Nova lawng tuk chhung kum 100 a ni tih min hrih chuan, 'Anih Lalpa i tlai dawn lo a nih chuan ka nghak a che, kei zawngin ka chhan thei thlawt si lo,' tiin ka nghak ta a.

2. Lalpaah chuan chawl la Amah chu nghak fan fan rawh

Chawl chungah Lalpa nghak thiam turin Lalpan

training min pe a, chutihlai chuan Fakna thiltihtheihna tih bu ka chhiar a, chu lehkhabu chuan kan thil tawh engkima amah fak chu min zirtir a ni ber a, chutih lai chuan ka hnar ngul thlak ngai khawpa tih chhiatin a awm a, fate saltang chhan ngaiin min delh reng bawka, chuti chungah Lalpa fak chu a har lai tak chu a ni a, Lalpa i chungah chuan ka lawm a, mahse ka hnar hi, ka fapa zurui hi tih a ngai tlat a, chu chu a tawk si lo. ***Pathian hmangaihtu amaha ruat anga a kohvate tan an thatna turin engkimin a thawhsak hlawm thin*** (Rom 8:28) tih chu ka thu aia ka awih zawk tur Pathian thu a ni si a, kan thil tawh engkim mai chu kan thatna tur a la ti zui. Lalpa fakna chu thiltihtheihna a ni si a.

Tichuan Lalpa thlarau hruaina zarah heti hian ka lo tithei ta a, Lalpa hnarngul mawi tak tihchiat uiawm tak min pek avangin ka fak a che, a chhiat tawh hnu pawha a thlakna (a spare part) ka khel ruh hmawr no ka la neih avangin ka fak a che, chutianga min thlaksak thiam Doctor min pek avangin ka

fak a che. Kan thil tawh zawng te chu Amah fakna tur vek a lo ni a, thihna leh natnate pawh, hetiang em ema na tuar tlaka min ngaih avangin ka fak a che tih a lo ni ta zel a, chu nunah chuan Setana a tlawm a ni. Hlauhna hmuna ka awm min hrilh, ka hlauh min hnehsak ta tih kha a ni. Kan nunna hi Pathian ta a ni a, Ama kuta inkawltir tluka him reng reng a awm lo, Lalpaah chuan ka lo chawl ta a. A kutah tinreng ka pe ang tha takin a vawng ang tiin.

Min zai dawn zanah kan pa min hruaitu chu a buai ve thung, a mu thei lo, a zai loh tur zawk a rum nghet nghet mai. A tuk khua a var chuan min zaina tur Hospital-ah chuan min admit ta a, chumi ni chuan vawi li lai kan tawngtai a ni. Zana min hawsan dawn chuan, ‘I mu thei angem?’ min ti a, kei lah chuan haw vat vat se, ka lehkhabu chhiar lai kha chhiar chhonzawm leh ila, Lalpa nen inpawl ila tih ka rilruah a lo awm tawh a, ‘Aw, mu thei ang, nang pawh va haw la va

mu tawh, Lalpaah chuan chawl la, amah chu nghak fan fan rawh’ tih a nih kha ka ti a (Sam 37:7), tichuan kan in mangtha a. Chu Pathian thu chu ani pawh chuan chawlh nan a hmang ta a. “Gwuahati, Mizoram House kan thlenaah chuan tui taka muin, zinga dar 5-ah ka thova ka inbual a, ka lo kal leh nghal,” a ti a, keipawh chu Theatre-ah chuan min zawn lut nghal a, Lalpaa chawlh nawmzia chu khel leh hnar zai tur ni mah ila sitting room atanga bedroom a mu tur ang maia hlauhna leh zamna nei miah lovin min hruai lut a ni.

He nun hi a ni saltangte chhan chhuahna tur pawha tangkai chu ni. Nu pakhat motor a chuang chung a phur nghat phal lo ang maia awm lovin, Lalpa kan phur nitina min phurh saktu (Sam 68:18), i ritphurhte chu Lalpa chungah nghat la, tichuan thahruiah thiltihtheihna a lo awm zawk a ni.

3. Nangmah nghaktu reng reng chu tumah an mualpho lovang

Zoram Hmeichhe Inkhawmpuilian leh Golden Jubili Kawnpui kan hman lai khan ka fapa chu thih ngamin a na a, inkhawmpui palai hote pawhin thahnemngai takin min tawngtaisak a, Lalpa min chhanna chu enge ni dawn? tiin beng chhi rengin kan awm a, Amah nghaktute timualpho ngai lo Lalpa Pathian chuan a lo tidam a, inkhawmpui tiak tukah chuan kan haw a, a awmna Greenwood Hospital chu kan tlawh hmasa a, damin kan inhmu hlawl mai a, ani chuan, ‘Lazara ang khan Pathianin ni hnih lai engmah hre lova ka awm tawh kha min kaitho leh a ni’ a ti a. A awmpuitute chuan ni 5/3/2011 inrinni tlai khan muhil kohharh ang maiin a harh hlawl mai’ an ti a. Damna kim taksa, rilru, thlarau damna changin Setana sal behna ata chu chhuah zalenin a awm a, Lalpa thlarauvin a awmpui a, a damna thusawi chu nuam a ti, a taksa damna ai mahin a thlarau damna

kha a thawm a lian a, a unau te, a thiante hnenah a puang a, Kohhranah te sawiin kan chhung inkhawmah te urhsun takin a sawi a, a nu leh pa leh a unaute thlarau lam dinhmuna a hmuh dante a sawi zawhah Apa chu chhung inkhawm malsawmna a min tin turin a sawm a, Bible changte a dawng thar zel a, a nupuiin a hrilhfiahnate a lo dawng bawk a. A nupui pheii chuan ‘Kan chhungkua chu a nuam tawh tak tak, Vanram a ni mai’ a ti hial a. Indona chu Lalpa indona a nih ang ngeiin hnehna chu Lalpa ta a ni. Lalpa chu fakin awm rawh se.

Chutianga hun hlimawm tak an hman laiin 30/6/2011 ah chuan, Lalpan chatuana a hnena chawl hlen tawh turin min hruaisak ta. A thih hma hian lehkhabu ‘Ringtu Nun Kawng’ tih ka ziaak chu ka zo tep tawh a, a hnenah, “Mapui, I testimony hi ziaak ve rawh, i tana min tawngtaisak tuten a hlawhtlinna an hmu anga an lawm dawn em mai.’ Ka ti a, “Awle” a ti a. A ziah zawh hmian a thihsan ta si

a, ama ziaik te chu chhonzawmin lehkhabu hmawr bawk nan chuan ka hmang ta thova. 3/9/2011 khan Prof. Dr. Lalpluanguiana Khiangte-in min release sak nghe nghe a ni.

Rei deuh mahse nghak rawh Amah nghaktu reng reng an mualpho lovang a tih chu maw le! He thu hi keimah leh he thu chhiartu zawng zawng hian chang theuh ila, kan hlawhtlin tawhnaa duh tawk mai lovin kan tu leh fate zel chhanchhuah nan pawh hei bawk hi kan mamawh chu a ni. Tirkoh Paulan."Hmu tawh reng inti ka ni lova, famkim tawh reng inti pawh ka ni hek lo: Krista mi man chhan chu ka man thei dah law maw," tiin a umin ka um zawk a ni" a tih ang khan ti ve ila. Lalpaa chawl chungin I bei zel ang u. Kan Lalpan min hrui e.

Lalpan a thu malsawm rawh se.

WOMEN CENTRE PUALA SUM PE TE

1. January-May 2012 chhunga Special budget baka Bial/Kohhran *Women Centre* puala sum petute:

1) Teikhang Bial	Hmeichhia	Rs. 1000.00
2) E.Phaileng Bial	Hmeichhia	Rs. 2000.00
3) Tuipuibari Centre Bial	Hmeichhia	Rs. 500.00
4) Phainuam Bial	Hmeichhia	Rs. 2000.00
5) Samlukhai Kohhran	Hmeichhia	Rs. 1000.00
6) Lengpui Bial	Hmeichhia	Rs. 5000.00
7) New Serchhip Bial	Hmeichhia	Rs. 3000.00

HOSPITAL SUNDAY THUCHAH — 2012

Kumtina kan hman thin angin July Pathian ni hmasa ber, Hospital Sunday chu Kumin 2012-ah Pathian hruainain kan lo thleng leh ta a, kan Hospital pawh a kum 84-na lai a lo ni ta, hetiang hun min hruai thlengtu Pathian hnenah lawmthu awm se la, he hun hmangtu Kohhran mipui zawng zawngte Hospital-a thawktuten Lal Isua hmingin chibai kan buk a che u.

Hospital-in kum 2011 - 2012 chhunga kan sum hmuh zawng zawng chu Rs. 186,593,491.00 a ni a, hemia Rs. 19,882,116.00 chu Synod Grant a ni a, Rs. 165,067,925.00 hi Hospital-in a dehchhuah a ni a, a bak Rs. 1,643,450.00 hi thilpek a ni. Hemi kum chhung veka kan hman ral chu Rs. 186,795,474.00 a ni a. Kan lakluh aiin kan hmanral hi Rs. 201,983.00-in a tam zawk a ni.

Kum 2001-ah SEC-in Hospital chu thawktu hlawh leh mamawh dangte intum tura a lo ruahman angin tunah hian hlawh leh nitin mamawh chu kan thawkchhuak thei hram hram a, Synod Grant kan hmanna chu in sakna, khawl leina leh rethei tanpuina - Charity Fund atan a ni. Charity Fund-ah Rs. 4,941,927.00 zet hman mah ila 31st March, 2012 account kan khar chuan damlo awm man pe thei lo mi 1074-in min batsak chu Rs. 13,924,737.00 a ni.

1. DAMDAWI IN CHANCHIN TLANGPUI :

(1) Khum awm zat -

Damdawi Inah	:	300
Hospice (AIDS veite enkawlina)	:	20
Avaiin	:	320

(2) THAWKTU NGHET :

(a) Doctor	:	28
(b) Nursing Staff	:	113
(c) Thawktu dang	:	115
A vaiin	:	256

(3) THAWKTU NGHET LO

(a) Doctor	:	2
(b) Nursing Staff	:	49
(c) Thawktu dang	:	42
A vaiin	:	93
Thawktu zawng zawng	:	349

2. THAWKTU NGHET LAK THARTE :

Doctor - 2, Staff Nurse - 14, Laboratory Technician - 4, Medical Record Technician - 1, Ward Assistant - 3, O.A. - 1, an vaiin mi 25 a ngheta thawk tur lak an ni.

3. RETREAT :

Thawktu pual retreat neih a ni a, Speaker atan Rev R. Lalrosiama, Lecturer, ATC chu hman a ni. Thupui 'Danglamna' tih a ni. Tin, Nurse zirilaite pualin 29th April, 2011-ah Retreat neih a ni bawk a, Speaker atan Rev. K.M. Lalfakzuala, Chaplain hman a ni a, April 17, 2012-ah Nurse zirilaite pual vek hian Rev C. Lalbiakhluna, Chaplain-hoin Retreat hi neih leh a ni.

4. MOBILE CLINIC :

Nikum Hospital Sunday leh tun inkar chhungin Pastor Bial, Kohhran leh khaw hrang hrang 59-ah Mobile Clinic neih a ni a, damlo 7623 en an ni. Project hrang hrangah hma kan lak avangin thawktu kan indaih lo em em a, chuvangin min sawmtu Bial leh Kohhran zawng zawng kan tlawh thei lova, pawl kan ti hle.

5. CHARITY FUND :

April 2011 atanga March 2012 chhunga Charity Fund atanga sum kan hmuh zawng zawng chu hetiang a ni :-

Synod Grant	:	Rs.	30,00,000.00
Hospital Sunday	:	Rs.	982,116.00
Thilpek	:	Rs.	959,811.00
Total	:	Rs.	4,941,927.00

Thilpek hi Kohhran, pawl leh mimal pek khawm a ni a, a vai hian damlo rethei awmman pe thei lo mi 583 hnenah hman zawh vek a ni.

6. BLOOD DONATION :

Kohhran, KTP, YMA leh tlawmngai pawl hrang hrang hnen aṅangin nikum Hospital Sunday leh tun inkarah thisen unit 4028 kan dawng a, damlo thisen mamawhtute tana thilpek hlu tak min petute zawng zawng chungah lawmthu kan sawi tak meuh meuh a ni.

7. THILPEK HRANG HRANG KAN DAWNTE :

Pastor Bial, Kohhran Hmeichhia, KTP leh tlawmngai pawl hrang hrang hnen aṅangin thilpek chi hrang hrang damdawi in mamawh — Pawisa, hmunphiah, Swabstick, Thuthlengsei leh thildang eng emaw zat kan dawng reng a, damdawi in mamawh nasa takin min phuhruk sak a, kan lawm hle a ni.

8. EYE UNIT REPORT :

- a) **Outreach Camp :** Khaw hrang hrang 7-ah neih a ni a, mit 358 zai a ni.
- b) **Base Hospital Eye Camp :** Vawi 14 neih a ni a, cataract 552 zai sak an ni.

9. ZIR MEK LEH ZIRLEH :

Tunah hian MBBS zirlai 2, Internship timek 1, PG Course zirleh mek Doctor 3, M.Sc. (Nursing) zir 3, M.Sc. (Microbiology) zir 1 an awm a, ṭha taka an zir zawh theih ngei kan beisei.

10. NURSING SCHOOL :

Tunah hian zirlai 98 kan nei mek a, Nursing School tuang takin a kal zel a, result pawh a tha thin hle a ni.

11. C.T. SCAN :


Synod thurel angin CT Scan khawl chu Rs. 210,00,000/- (Cheng Vaibelchhe hnih leh maktaduai khat)-a lei a ni a. March 13, 2012-ah Synod Moderator-in Pathian hnenah a hlan. CT Scan hi damloten an tangaipui hle a ni.

12. HOSPITAL MAMAWHITE :

Tun dinhmunah Hospital-in kan mamawh berte chu Doctor thiam (Specialist) leh Medical Officers te an ni a, heng a hnuaia mite hi kan mamawh zualte an ni :-

- | | | |
|----------------------|---|---------------------------------------|
| 1) Surgeon | — | Mi zai thiam |
| 2) Anaesthesiologist | — | Hnimhlum pe thiam |
| 3) Radiologist | — | CT Scan, X-ray, Ultra
sound thiam. |
| 4) Medical Officers | | |

Kohhranho thahnemngaihna leh tawngtaipuina avangin damdawi in rawngbawlna a kaltluangin hma a sawn zel a. Pathian leh Kohhranho chungah kan lawm hle a ni.



(Dr. LALREMTHANGA)

Secretary,

Synod Hospital Board.

&

Director,

Synod Hospital.

HRISELNA HUANG : RILRU NGE TAKSA ?

Dr Ruth Lalmuanpuii

Psychiatrist.

Cardiology (lung lam natna) leh Medicine OPD-a inentirte hian Psychiatry OPD-ah kal rawh u tih an hlawh duh khawp mai a. Tam tak chu an thinrim a, an lo kal duh lova, a lo kal te pawh hian mak an ti thei hle. ‘Ka lungphu te a rang a, ka awmte a na a, ka thawk te a harsa a, lung lam a nih ka ring a, he lamah min tir daih si a. . . .’ tih hi an tawng deuh reng mai a ni. A tawpah erawh chuan ‘he lama min lo tir hi ka lawm lutuk’ an ti leh fo thung. A zir ve lo tan chuan hriat ngaihna a awm lo reng a ni. Hre zawkte thu awih erawh a fin thlak zawk fo. Rilru, taksa leh thlarau hi thliar hran a har reng a, kan senior psychiatrist chuan mi pakhat a mi pathum awm ang ten a khaikhin thin. Thil hrang si inkaih hnawih vek si a ni ber. Hriselna kawngah leh natna kawngah pawh an inkaih hnawih tlat a ni. Kan rilru a natin kan taksain a tuar a, kan taksa a natin kan rilruin a tuar fo bawk. Tun tumah hian rilru leh taksa lam natna inkungkaih theih dan tawi tein tarlan kan tum dawn a ni.

1. Rilru hah hian taksa lam natna a thlen thei :

Rilru hah hian kan taksa hnathawh dan kawng hrang hrang a tihbuai thin avangin taksa lam natna a thlen thei a ni. Pumpui ulcer, BP sang, zun thlum, ril lam tha lo, lu na leh migraine, ruh lam leh vun lam natna te a thlen theih mai bakah a lo nei sa tan phei chuan a ti - zual thei a ni. Natna hrik

do theihna a tla hniam a, natna kai a awlsam bik. Depression neite phei chuan natna chi hrang an nei duh khawp mai.

2. Rilru lam natnate hi taksa lam natna angin a lang chhuak thin :

Rilru lam natna, a bik takin Neurotic illness kan tih (rilru buaina thlen chi nilo), Depression leh Anxiety

kan tihte hi taksa lam natna angin a lang chhuak thin. Anxiety disorder neite chu an lung te a phu rang a, an awm te a na a, thawkte a har a, lu hai, dang ro, kut ke mu, khurh, thlan bawrh bawrh, pum nuam lo leh kaw dik thei lo te an nei thin. Tin, depression nei chuan mut theih loh, chaw ei tui loh, chauh ngawih ngawih, na chi hrang hrang, cher, ek khal, mipat hmeichhiatnaa harsatna te an nei thin.

3. **Taksa lam natna hi rilru lam natna angin a lang chhuak thei :**

Entirnan, Anemia (Hb hniam) te hi anxiety angin chhan hriat silohva hlauhna leh thlaphanna nasa tak neiin an awm thei. Thyroid leh hormone dang thatlohna hi anxiety leh depression ang te, haihawt te leh ngaihtuahna ding thei lo ang tein a lang chhuak thin bawk. Lung lam natna then khat pawh hi anxiety angin a lang thin. Thluaka bawk

emaw thitling emaw te pawh hi rilru buai angin a lang chhuak thei bawk.

4. **Taksa lam natna hian rilru lam natna a thlen thei:**

A bik takin natna benvawn, cancer te, zunthlum te, BP sangte, lung lam natna te, stroke leh thluak emaw nerve lam natna neite hian depression leh rilru lam natna dang te pawh an nei duh em em a ni. Heng natna benvawn neite hian depression emaw an neih chuan enkawl vat a pawimawh. A nih loh chuan an inti na zualtawn a, nunna hial pawh a pawh tawi phah thei. Tin, taksa lam natna in enkawlna damdawi thenkhatte pawh hian rilru lam natna a thlen thei bawk.

Kan han tarlan tak tlemte atang pawh hian rilru leh taksa natna inkaihnnawih theih dan a ngaihtuah zui theih a rinawm. Natna damna tur pawh hian rilru leh taksa hi a

pawimawh. Zirchhianna tam ber chuan natna benvawn, a bik takin cancer leh lung lam natna nei zingah hlim taka an nun hmangte chu depression nei aiin an dam rei zawk zel a ni tih an zir chhuak a ni. Rilru lam natna hian thihna chu thlen lo mahse, enkawl that loh chuan kawng dangin nunna a titawi ve thei tho a ni. Taksa lam natna kan ngaih pawimawh ang bawkin i ngai pawimawh ve ang u.

(Kan ngenna ngai pawimawha Dr.Ruth-in tunlai huna kan mamawh tak thu min ziahsak avangin kan lawm hle. Editor)

THU LAWMAWM

April ni 18,2012-ahCentral Committee-a awm tawh zawng zawng leh awm mek te inhmukhawmin Women Cenre-a Choka (Kitchen) sakna tur cheng nuai hnih chuang man an tum dawn a, mahni remchan dan ang angin pawisa an thawhkhawm tan mek. June thla Agape-a tarlan bakah a hnuai mite hian an rawn thehltut leh ta :

1. Pi Lalbiaksangi, Khatla	Rs. 2000.00
2. Pi C.Lalbiakdiki (Ex Fin.Secretay)	Rs. 1500.00
3. Pi Kamliani, Electric Vengthlang	Rs. 1500.00
4. Pi Tlangthawmi, Ramhlun South	Rs. 2000.00
5. Pi Vanchhingpuii, Mission Veng	Rs. 2000.00
6. Pi Lalnguri, Mission Veng	Rs. 2000.00
7. Pi K.Vanlalrawni, Mission Veng	Rs. 2000.00

AGAPE SILVER JUBILEE CAMPING REPORT:

Lalmunsangi, Secretary
Serchhip Vengchung Bial
Kohhran Hmeichhia

Serchhip Vengchung Bial Kohhran Hmeichhiate buatsaih in Dt 17-21 October, 2011 chhungin Hmeichhiate tan bik Camping neih a ni a. Camping butsaih a nih chhan chu Central Committee-in hmalakna tur a tih zingah kan hmeichhiatpui engemaw chhan hrang hrang avanga **Rahbitleute** chhanchhuah chu hna pawimawh taka neihsin, a thei apiangin heng harsatna tawh te hi chhanchhuah dan zawn nise, Mahni Kohhran leh Bialah a thei apiangin Pathian thua kawm te, Camping buatsaih te, Home-a dah ngai an awm chuan Home-a daha, an awm man tum sak emaw tea tan lak nise, Home -a dah ngaite kan neih loh pawhin **Rahbitleu** pualin Central-ah sum thelulh theih a nih thu te inhriattir a ni a.

T i c h u a n k a n Hmeichhiatpui te chhanchhuah hna thawhve turin kan Bial chuan kan han ngaihtuah ve a, a tul kan tiin hma lak ngei pawh kan tum a . Kan hmalak theih dan bera kan ngaih chu Camping neih a ni a. Heta lut tur hian Committee chuan ngun takin a ngaihtuah a, Rahbitleu te chauh ni lovin hmeichhia tupawh a duh apiang, Committee member pawh luh vek theih turin a buatsaih ta a .

A hlawhtlinna tura hmalak dan:

Bial Kohhran Committee chuan hei hi tha ti hle mahse Kohhran hrang hrang te duhdan lak phawt nise a ti a. Kohhran hrang hrang Hmeichhe Committee ngaihdan a lak vek hnuah tha kan ti tlang a. Tichuan Bial Standing Committee-ah Camping neih kan duh thu kan thlen a, Bial Standing Committee remtihpuinain Camping chu kan buatsaih ta a, an chungah pawh kan lawm hle a ni. Sum leh pai tam tak kan mamawh dawn avangin Kohhran hrang

hrangah Budget kan siam a, annin phur takin an rawn thehlut zung zung mai a, Bial committee memberten mahni remchan ang ken khawm nise kan ti baw k a. Hengte avang hian hlawh tling takin Camping chu kan nei thei ta a, Kohhran ho chungah pawh kan lawm hle a ni.

A Hming:

Kan Camping chu hming mumal deuh neih thain kan hria a, Kohhran Hmeichhe Chanchin bu Agape Kum 25-na Silver Jubilee a ni baw k a, he hming chawi hian **Agape Silver Jubilee Camping** tiin a hming kan vuah ta a ni. Camping hi Bial huapin kan la buatsaih ngai lova, kan veikhawr khawp mai a, mahse Pathianin hma min hruaisak a, kan hlim tlang hle a ni.

A Hmun:

Camping kan neih dawn chuan a hmun kan mamawh dawn si a, khawinge kan hman ang aw kan ti a, Pathianin remchang min siamsak a, Dinthar Presbyterian Kohhran

Committee kan dil a, annin phal takin Biak In leh a bungrua engkim kan mamawh ang apiang hman min phalsak a Chumai ni lovin, Biak In te tuaihnuma, inthiarna te siam a ngai a, hnatlang te kovin Dinthar Kohhran hian engkim min siam felsak a, an chungah kan lawm takzet a ni.

Speaker chungchang:

Speaker tur kan mamawh thu Synod Revival Committee-ah kan thlen a, annin kan mamawhte hriain remchang min siamsak a, rawngbawltu tha tak mai ***Krista thupuangtu Team Speaker, PuR. Lalbiaksanga leh a team te*** min pe a, kan lawm hle a ni. An inpekna te a ropui a, Pathian pawhin a hman hle a, mipui pawhin kan hlutin kan hlimpui hle a ni.

Camping boruak:

Ni 15/10/2011 Inrinni zan atangin Pre-Camping Crusade Pathian ni zan thlengin kan nei a, Ni 17/11/2011 thawhtan ni atangin Camping neih tan a ni a, He Camping hi

Hmeichhia chauh luhna tura buatsaih a ni a, mi 36 lai mai an lut a, Camper te hi Nula leh Nute an ni a, Ni 21/11/2011 Zirtawp niah Camping chu chhuah a ni a, Kohhranhoten Biak In tualah kan lo hmuak a, Pathian tana ban la phar ngai lote, lo hnungtawlh tawh te pawh hlim takin, lawm avanga mittui luang chungin an lo chhuak a, a ropui tak zet a ni. Kan Bialah Lalpan thil ropui tak min tihsak a, kan hlim hle a ni. Kan hun neih te leh kan theih tawh a tlem avangin Camping hi tum khat chauh kan nei a, Follow up programe Thawhtan ni thlengin kan nei zui a, kham lo takin kan hun chu a tawp ta a ni. Pathian chuan mamawhtute leh duhtute chu a hnar ngai lo a ni tih a takin kan hmu a, heng zawng zawngah hian kan thiltih te tham te mal minsawm a, min hlawhtlintir a, Chatuana boral mai tur te, a rawngbawltute kaltlanga chhandamna min hriattir leh ta mai hi kan va lawm em, Lalpa chu fakin awm rawh se.

**NCCI PRE- ASSEMBLY LEH
XXVII QUADRENNIAL ASSEMBLY 2012
REPORT:**

H.Lalpianthangi
General Secretary

NCCI XXVII Quadrennial Assembly chu April 25-28, 2012 chhung khan St John's Medical College Campus, Bangalore-ah neih a ni a. Thupui chu "The Gospel in a Groaning World" (Rom.8:22) . Khawvel rumna karah Isua Krista chanchin tha' tiin dah ve mai ta ila a tha awm e. Kum danga an tih thin angin, inkhawmpui neih hma hian 'Pre -Assembly (Inkhawmpui neihhmaa thupui lo zir lawkna) hmun hrang hrangah neih a ni a, entirnan: Hmeichhia, Thalai, Naupang te leh group hrang hrangah Thupui hi lo zir lawk a ni a.

Keini, Mizoram Synod aiawha kalte: Rev Dr Lalhmangaiha, Dr Zothansanga leh kei chu Sakhaw hrang hrang (Interfaith Mission and Evangelism) zirna zinga kal tura tih kan nih angin Dr Zothansanga nen April 20-23,2012 chhungin St John's Medical College-a neihah kan tel ve a . Kei ni Group hi mi 48 vel kan ni a. A hlimawmin a bengvar thlak khawp mai a. Rin hrang hrang nei te in sawichhe mai lovin, a theih chen chenah chuan thawk tlang tur kan nihna te sawiho a ni.

April 25-28,2012 chhung khan NCCI Assembly vawi- 27-na chu Methodist Church Diocese paruk (6) tangkawpin St John's Medical College Auditorium-ah an thleng a. Palai inziak lut hi 200 an ni a, Chhimtute leh hruaitute nen Kan vaiin 300 vel kan ni a. Kohran 30, Christian Council 17, Christian Organisation 17, leh Related Agencies 17-ten NCCI hi an zawm a, chumi a tang chuan palai hi kan kal a ni. Thupui hi mi chi hrang hrangin an sawi a. NCCI President Rt. Rev Dr

Tharanath S.Sagara chuan thupui a sawi chu tawite tarlang ila “ **Tunlai khawvel rum mek hi tidanglam turin, dilchhut taka ngaihtuahna hmang turin Pathianin Kohhran tin te min ko a ni**” a ti. Rev. Dr. Olave FykseTvei, General Secretary, WCC chuan “***Chanchintha hi khawvel rum tan a nih avangin mihringin harsatna tinreng a tawh hi enge a chhan tiin kan ngaihtuahin, kan bengkhawn tur a ni***” a ti baw. Dr.Lalrindiki Ralte Lecturer ATC pawhin (Indian Church’s Challenges and Responses) paper a present a. Group hrang hranga inthenin thupui hrang hrang zir ho a ni a, kei pawh Hmeichhe group-ah ka tel a, tum khat chu mihring hmanga sumdawna (Human trafficking) chungchang zirhovin a vedio te kan en a. Hmeichhe tleirawl an retheihna avang leh an en hnamna avanga an chhungten an hralh te, inzuar tura an tihluh te etc. mittui tla zawih

zawih chung a an interview hmuh chuan rilru a khawih khawp mai. He mi ruala kan sawi tel duh chu Keini nute hi kan fanute phailamah hna eng emaw thawk tura sawmtu (hmelhriat lohte) an awmin i fimkhur ang u. Tin, Assembly thupui behchhana Hmeichhiate harsatna tawh an sawi zingah tun aia tam hna pek tih te, tun aia tam ordain nise, tih te a tel a ni.

NCCI hi kumli dana inkhawmpui neih thin a ni a. Kum 2012- 2015 chung atan hruaitu thlan a ni a. President-ah Rt.Rev Dr Tharanath S.Sagar thlan leh a ni a. Executive Committee-ah hian Mizoram Synod atangin Rev.Dr Lahmangaiha a tel a. Rev.Vanmawia, Manipur Synod a tel baw.

Isua Krista avanga Kohhran pawl hrang hrangte lungrual taka, inkhawmpui han hmanho chu a ropui danglam ve khawp mai. Lalpa’n ropuina chang rawh se.

**HRUAITUTE CHANCHIN : Pi Lalrindiki
Central Committee Member**

Pi Lalrindiki hi Pu R. Vanlalchhunga leh Pi Sangluri te fa a ni a, Tunah Luangmual Vengthlangah chhungkuain an awm mek, Kum 1982 July Ni 2-ah Dr Sangthuama, Ngente nen Kawnpui Chhimveng Presbyterian Kohhran Biak Inah Kohhran Dan thianghlima innein Fanu pahnih an nei a. Eizawna lamah chuan Land Revenue & Settlement Department-ah Assistant hna a thawk a, a pasal hi Chief Medical Officer-in Kolasib-ah a awm.

Rawngbawl na lam:

Tualchung Kohhran Hmeichhiaah : 1993-1998 : Treasurer, 1999-2002 Committee member, 2003-2006 Secretary, 2006-2007 Asst. Secretary, 2008-2009 Secretary, 2010 Chairman, 2011 Vice Chairman, 2012-ah Secretary hna a chelh mek

Heng bakah hian Naupang Sunday School Zirtirtuah te khawngaih rawngbawl hna thawk thinin, tunah Puitling Sunday School Zirtirtu a ni a, Inrinni zan leh Pathian ni chhun thusawitu a ni bawk.

Bial Kohhran Hmeichhiaah : 2003-2007 Committee Member, 2008 - 2009 Asst. Secretary, 2010-2011 Secretary, 2012 Chairman hna a chelh mek a ni.

Bible chang ngainat zual te: Sam 23, Johana 3:16, a hla duh ber chu Kristian Hla Bu No. 41. “*Pathianin misual a hmangaih*” tih hi a ni.

Zoram Nute hnena a chah duh chu Kan in chhungkhur theuh kan enkawl naah hian kan chhungkaw sum lakluh mil tawka ruahmanna siamthiam a, incheina leh thawmhnaw lei kawngah pawh leiba insiam tun khawpa duhzawng ngah lo tura insum theihthe hi ringtu nun dan tur a nih zir thar zel ila, bungraw changkang pui pui leh thawmhnaw thar tinreng neia Lal Isua hloh ai chuan Isua nena kan neih theih tawk thlang ngam ila, kan tu leh fate nena Vanram kan luh theihna kawng hi Nute hian i ngai pawimawh ber ang u. Vanram panna kawng atanga min hruai peng thei thilte hlau chungin, mahni hmazawn theuhvah i fimkhur ang u, tiin ZoramNute a chah a ni.

HRIAT ATAN

- 1) **PCI 40th BIENNIAL ASSEMBLY:** Presbyterian Church of India Biennial Assembly vawi 40-na Champhai Vengsang-a neihah PWF aiawha kal zingah Pi Laltnanmawii leh Pi Liankimi te an tel a, tuang takin hun an hmang a, Pi.K.Lalliantluangi, Mizoram Synod chu kum 2012-2014 chhunga PWF Chairman atan PCI Assembly hian a ruat a, lawmawm kan ti hle.
- 2) **NEICCWA 10th BIENNIAL ASSEMBLY, NONGPOH :** NEICCWA Biennial Assembly Vawi 10-na, Nongpoh, Ribhoi Synod, Meghalaya-a neihah Mizoram Synod atangin palai 30 (Central Committee Member mi 15 leh Zokhaw lam Pastor Bial 15 aiawh) an kal a, tuang takin hun an hmang. Pi Lalrinkimi, Mizoram Synod chu 2012 - 2014 chhung atan Vice President-ah thlan a ni a, Mizoram Synod atanga chanvo neituten tha takin an ti a, Dr.Lalrindiki Ralte, Lecturer ATC-in Bible Study tum hnih ngaihnawm takin min zirpui a, Dr. Hrangthanchhungi, Executive Secretary, Commission on Tribal & Adivasi, NCCI in mihring hmanga sumdawn na chungchang Seminar-ah paper bengvarthlak tak a present a, Inrin zana Cultural Programme-ah Par lam leh chheih lamte entir a ni a, he programe hi Dr.Vanlalhruaiin hneh takin a kaihruai a ni. Tin, Mizoram Synod-in Agenda kan neih Full Time Secretary hlawh tihpun rawtna chu pawmin, Executive Committee-in June, 2012 atanga ₹11,000/- hlawh tura ruahmanna an lo siam nen pawm a ni a, Secretary hian Hostel Warden hna a kawp nghal ang.
- 3) **CHAMPHAI BETHEL BIAL :** May 11 - 14, 2012 chhungin Champhai Bethel Bial-ah Kristian Chhungkaw Campaign neih a ni a, Ni.Vanlalsawmi Archivist, Pi Ramngaihsangi leh Pi Vanlalpari te an kal a, Kohhran hrang hrangah te insem darhin tuang takin hun an hmang

- 4) **NEICC PLATINUM JUBILEE** : May 15-21, 2012 chhungin NEICC Annual Meeting leh Platinum Jubilee lawmna Rymbai, KJP Synod Minghi-ah neih a ni a, Mizoram Synod atangin mi 67 Bus 3-in an kal a, an zingah hmeichhia 7 : Pi Lalflanmawii, Pi Lalchawimawii, Pi Lalrinzuali - Synod aiawh, Pi Khawlvuani, Pi Liankimi, Pi Lalrinkimi - NEICCWA aiawh, Dr.T.Vanlaltlani, NEICC Theological Education Sub Committee Convener te an ni. Ningani zanah Rev.Zosangliana Colney-in Pathian thuchah a sawi a, Rev.Dr Lalmangaihan NEICC tunhma hun, tunlai hun, nakin hun tih tha taka zia kin a buatsaih a, Pi Lalrinkimi'n Inrinni tlaia NEICCWA puala Programe siam-ah Pathian thuchah a sawi a, Synod Choir atangin NI.Lalmangaihi (Sini) & NI Pc Lallawmsawngi te Duet an rawn zai bawk. NEICC Jubilee lawmnaah hian Synod Choir sawm an ni a, inkhawm apiang deuh thawin an zai a, Pathianin a awmpui a, an zai a ngaihnaawm hle a, sawm nawn te an hlawh hial a ni. NEICCYA puala lawmna ah Synod Choir an zai bakah Dr.Zothansanga leh Pu Lyna Electriect vengten Special Item an nei bawk. Platinum Jubilee a ni bawk a, Palai 520 lai kal a ni a, Unit hrang hrang atangin Zaipawl ngaihnaawm tak tak ngaih thlak reng a ni a; Thupui hi **Lasting Legacy Greater Future** tih a ni a, Pathian ni chawhnuah Rev Dr. Roger Gaikwad, NCCI General Secretary-in thiam taka a han sawi chuan rilru a hneh hle. Platinum Jubilee lawm hnuah hi chuan kum khat danah inkhawmpui a ni tawh dawn a, kum 2014-ah EFCI Kohhran-in Churachanpur-ah an thleng ang.
5. Rahbitleu puala kan sum thawh khawm atangin Nula paruk puan thui kan zirtir te chuan thatakin an zir zova, an zir man ah hian mi pakhtatah Rs 10000/- zel pek a ni a, an hman zui turin Sorkar-ah khawl dilsak an

ni bawk a, Subsidise-in khawl 6 min pe a, kan lawm hle a ni. Dt.1/6/2012-ah lak chhuah a ni a, Dt.21/6/2012 (Ningani)-ah Central Committee niin Rev.Lalzuithanga, Executive Secretary i/c Kohhran Hmeichhia-in puanthui zirtute hnenah hian a hlan a, anni pawh an lawm hle a ni

6. TIHDIKNA : Agape May 2012 chhuakah phek 32-na pali-na, tlar 5-na leh tlar 6-naa Rabung Bial huapin Rabungah tih kha NE Khawdungsei Bial huapin NE Khawdungsei-ah tih tur a ni.
7. International Institute of Education and Management, New Delhi chuan Zirna lam bika India ram chawimawina sang **“Rajiv Gandhi Education Excellence Award”** an tih chu **Dr. Vanlalhruii, Central Committee Member**, College of Teacher Education-a Principal hnenah May 27, 2012 khan a hlan a, kan chhuangin kan lawmpui em em a ni.
8. Agape-a thuchhuah tur nei chuan a theih hram chuan chhut nawn leh ngai lovin Pendrive-in emaw Soft Copy inpek nise a lawmawm hle ang
9. Kum 2007 Inkhawmpui Lianin Lehkhabu zirtirna tha chhuah tura a rel bawhzuia **Kristian chungkaw Robawm** kan chhuah chu hralh zawh a nih hnuah mamawhtu tam avangin chhut nawn a ni a, Rs 50/- in Kohhran Hmeichhe Department-ah a lei leh theih ta e.

Sunna:

PI K.LALTLUANGI KAN CHAN TA



Pi K. Laltluangi, Inkhawmpui Lian hrulaitu hlun, Kum 14 lai Central Committee-a lo awm tawh leh Kohhran Hmeichhiaten Centenary kan lawm laia Inkhawmpui Lian Chairman chuan rin loh takin Chatuan ram min pansan thut mai a, a rawngbawlpuite min barakhaihin, kan ui tak zet a ni. February 2012-ah thisen sang avangin New Life Hospital-ah admit a ni a, Bial Hmeichhe inkhawmpui

hmain lo chhuak hman mah se, Inkhawmpuia Chairman hna erawh chu a thawk thei lo va, Pathian zarah tha zelin, insawisel zui em em pawh nei lovin hna te a thawk thin a. Nat lawkna pawh awm lovin Dt. 15/6/2012 Zirtawp zanah Kohhran Hmeichhe Committee an nei a; Dt. 17/6/2012 Pathian ni chhun hi a thusawi hun a ni a, Committee-naah chuan, “Ka thusawi tur hi ka huphurh hle a, min țawngțaipui rawh u,” tiin a sawi nghe nghe a, Committee-naah pawh hian thahnemngaihna a ding zing viau a ni awm e. An

Committee chu Dar 9:00 p.m.-ah an bang a, ban hnuah hian a thusawi tur chu a buatsaih a, Dar 11:00 velah a mu a. Tichuan, tui taka muiin zing lam dar 3:00-ah a thin a nat thu a sawi a, na chhawkna te pein a chhungte chuan an buaipui a, Nurse te kovin Damdawi In lam pan an tum mek laiin Dar 5:30 a.m.-ah Khawvel chhuahsanin Lalpa hnenah a lo chawl ta mai a ni.

A thih thu hi a fanu-in Pi K.Laltluangi Phone-a number awm ang angah te SMS thawnin kan lo hria a. Tin, rawngbawlpuite a hre

hmasaten Synod Office-a Kohhran Hmeichhe lam hrulaitute an hrilh bawka. Tichuan Central Committee member ding lai leh Central Committee-a lo awm tawh te inhrilh darhin a thei thei a vuinaah kal a ni a, Pi K.Laltluangi chanchin leh a rawngbawlna te sawiin sunna thu Pi Laltlanmawii, Inkhawmpui Lian Chairman-in a sawi a, thlalakupi a ni bawka. Kohhran Hmeichhe rawngbawlnaah leh thil dangah sulhnu a ngahin uitu leh tahtu a ngah hle mai a, kan vaiin kan tap emaw tih mai tur a ni. Tichuan, Dt. 16/6/2012 Chawhnu dar 1:00-ah vuina Programme urhsun taka hmangin ui takin vui liam a ni ta a, Pi K. Laltluangi hian fa 8 leh tu 21 a nei a, a kalsan a pasal leh a tu leh fate tan i tapngtaisak ang u.

Pi K.Laltluangi hi zirna lamah BA a ni a, Economics & Statistic Department-ah Deputy Director-in 2004-ah a pension a, A pension hnu hian MAHCO-ah Chairman niin a thihni thlengin a thawka ni. Kohhranah leh Khawtlangah MHIP-ah te hrulaitu niin mi tangkai tak a ni a.

Infiyam mi tak a ni a, Mizoram Olympic hmasa berah lawmman pahnihna a dawng a, School leh College a kal lain wawi engemaw zat pakhatna niin College aiawhin Zoram pawnah pawh wawi duai lo a fehchhuak a ni. Kohhranah nihna pawimawh tak tak chelhin tunah hian an Kohhranah Thuhrilto, Puitling Sunday School Zirtirtu, Ramthar Committee member a ni. Tin, Rampum huap Kohhran H m e i c h h i a t e rawngbawlnaah sulhnu tam tak a nei a, sawi vek sen a ni lo va, Central Committee-a a awm chhung hian hmun tam takah a zin a, Kum 1989 khan CWM bul tuma India chhim Kohhran Hmeichhia te tlawh tum khan mi 11 zingah a tel ve a, Kum 1991-a Inkhawmpui Lian Ramhlun N-a neihah thupui **“Pathian hnena thil pek a tulna”** tih Zirtawp zanah a sawi a, Kum 2004-a Kohhran Hmeichhiaten Centenary YMA Field, Vaivakawna ropui taka lawm lai khan Inkhawmpui Lian Chairman a ni a, ama

ho hian thil hlimawm tak tak buatsaih a nih kha, chubakah kan Centenary Project atana thlan **Women Centre Project (Tablet)** pawh Inkhawmpui Lian lai khan a hlan nghe nghe a, hei hi Women Centre sak zawh a nih hunah chuan Women Centre-a tar tura ruahman a ni.

Central Committee-a mawhphurhna a lo chan tawh dan hetiang a ni:

Kum 1986-1993 : Central Committee Member

Kum 2001-2003 : Central Committee Member

Kum 2003-2005 : Chairman

Kum 2005-2007 : Ex-Officio Member

Presbyterian Women Fellowship (PWF) ah:

1992-1993: Standing Committee Member

2002-2004 : Nomination Committee Member

2006-2008 : Nomination Committee Member

2006-2008 : NEICWA-ah Executive Committee Member

Luangmual Bial Hmeichhiaah: 1984-1990 : Secretary

1991-2001-2003-2007,2010-2011 : Chairman, 2001-2003 :

Vice Chairman, 2007-2008,2012 Committee Member

Chawlhmun Kohhran Hmeichhiaah: 1983-1998, 2001-

2004 Secretary, 1999-2000 Asst.Secretary, 2011 : Finance

Secretary, 2009-2010,2012 : Treasurer.

Pi K. Laltluangin a thih dawn zan (Dt.15/6/2012)a a sermon buatsaih, Dt. 18/6/2012 Pathian ni chhuna ama lawina Chawlhmun Kohhrana a sawi tur a sawi hman tak loh chu thlalahah tihchhuah tum a ni.



NEICCWA Hruaitute
2012 - 2014



Bilkhawthlir Hmarveng Kohhran Hmeichhia Kristian Chhungkaw Campaign leh
Leadership Training



Champhai Bethel Bial Kohhran Hmeichhia
Kristian Chhungkaw Campaign neih a ni

To,

Published by Rev. Lalzuithanga,
Aizawl - Mizoram
On behalf of Agape Association.
Printed at Synod Press
Mission Veng, Aizawl - 796001
Copies - 36,000

www.MIZORAMSYNOD.org